

ՄԵԾ ԵՂԵՌՆԻ ԼՈՒՍԱԲԱՆՈՒՄԸ  
ԽՈՐՀՐԴԱՀԱՅ ՊԱՏՄԱԳՐՈՒԹՅԱՆ ՄԵՋ

(Համառոտ ակնարկ)

Ն. Բ. ՍԱՐԳՍԻԱՆՅԱՆ

Հայտնի է, որ տակավին անցյալ դարի 70—80-ական թթ. հայ հասարակական մտքի և պատմագրության նշանավոր ներկայացուցիչներին ամենից առաջ զբաղեցրել են Հայկական հարցի արծարծումները, արևմտահայության նկատմամբ թուրքիայում կիրառված ջարդերի քաղաքականությունը և հայ աղքատին-ազատագրական շարժումների հետ առնչված այլևայլ խնդիրները:

Թուրքական բռնապետության դեմ հայ ժողովրդի ազատագրական պայքարի, Հայկական հարցի և արևմտահայերի կոտորածների լուսաբանման մինչխորհրդային անցյալը հարուստ չէ զուտ պատմագիտական գրականությամբ, բայց այդ անցյալը թողել է զբաղատմական մի ժառանգություն, որը կատարված իրադարձությունները մեկնաբանել է տնտեսական, հասարակական-քաղաքական և դիվանագիտական բազմազան տեսանկյուններից: Մի շարք հեղինակներ կարողացան բացել Հայկական հարցի սկզբնավորման և նրա հետագա գործընթացի հայտնի ու գաղտնի դիտավորությունների բարդ այն կծիկը, որի ծայրը սկիզբ է առնում օսմանյան սուլթանների «խաղաղ» ֆերմաններում, համիդյան բռնապետության զուլումի քաղաքականության որոգայթներում ու «լուկալ» կոտորածներում և, ի վերջո արդեն զանգվածային ցեղասպանության ծրագիր դառնում երիտթուրքերի պետական քաղաքականության մեջ Առաջին համաշխարհային պատերազմի տարիներին:

Արևմտահայերի 1915—1916 թթ. ցեղասպանության՝ Մեծ Եղեռնի վերաբերյալ հայերեն ու այլ լեզուներով լույս են տեսել ոչ քիչ աշխատություններ: «Ութսուն տարիների ընթացքում,—գրում է Մ. Ներսիսյանը,—երիտթուրքերի ոճրագործության մասին հրապարակվել են պաշտոնական և արխիվային հավաստի փաստաթղթերի ժողովածուներ, ականատեսների և կոտորածներից փրկվածների հուշեր և վկայություններ, ինչպես նաև հիտական ուսումնասիրություններ և այլ բնույթի շատ աշխատություններ, որոնցում բացահայտված են այն ծանրագույն հանցագործությունները հայ ժողովրդի նկատմամբ, որ իրագործեց ռազմատենչ պանիսլամիստ, պանթուրքիստ ջարդարարների պետությունը Առաջին համաշխարհային պատերազմի տարիներին»<sup>1</sup>:

Հիրավի, 80-ամյա այդ գրականությունը շրջանառության մեջ է առնում հիմնականում անկողմնակալ այնպիսի փաստական տվյալներ և ականատեսների վկայություններ, որոնք ամրակայում են նրա անհերքելի և մշտամնա արժեքը: Մեծ Եղեռնի մասին մինչխորհրդային տարիներին գրված գրականությունից հիշենք, օրինակ, Ա.-Դոի «Մեծ դեպքերը Վասպուրականում», Արամ Անտոնյանի «Մեծ ոճիրը», Բ. Իշխանյանի «Աղետի և տառապանքի աշխարհից», «Այց թուրքահայ փախստականներին», Արամայիսի «Զարհուրելի ոճիրը», Մուշեղ Արքեպիսկոպոսի «Հայկական մղձավանջը (քննական վերլուծումներ)», Ս. Բյուրատի «Արևելյան խնդիրը և Հայկական հարց: Պատմական ուսումնասիրությունը», «Արշունի ձորը», Ս. Ակնունու «Միլիոն մը հայերու ջարդի պատմությունը», Ա. Զոպանյանի «Հայաստանը թուրք լուծին տակ», Ն. Ադոնցի

<sup>1</sup> Հայոց 1915—1916 թթ. ցեղասպանությունը: Մատենագիտություն, Երևան, 1995, էջ 6:

«Հայկական հարցի պատմական հիմքը և Թուրքիայի անկումը», «Թուրքիայի անդամահատումը» և ուրիշների աշխատությունները:

Հայկական հարցը և արևմտահայերի ցեղասպանությունը օտար ազգերին ներկայացնելու միտում ունեին հայ հեղինակների մի շարք գրքերը, որոնք լույս տեսան 1910-ական թթ.: Ահա դրանցից մի քանիսը. Ս. Ասլանյան «Փախստականների շրջանում (անձնական տպավորություններ)», Ռուսերեն, Աշ. Հովհաննիսյան «Փախստականների դրությունը Ալեքսանդրապոլի շրջանում» (ռուսերեն), Հ. Քաջազունի «Վանի պաշտպանությունը, 1915 թ. ապրիլի 7-ից մայիսի 4-ը», «Ինչպես նրանք ջախջախեցին մեր Սասունը» (ռուսերեն), Գ. Մնացականյան «Հայկական հարցի լուծումը» (ռուսերեն), Ա. Հակոբյան «Հայաստանը և պատերազմը» (անգլերեն), Փ. Փափագյան «Հայաստանի ողբերգությունը» (անգլերեն), Գ. Թումանյան «Թուրքիան և Հայաստանը» (անգլերեն)...

Իր հայրենիքի վշտերի, հայ ժողովրդի տանջանքների ու ակնկալությունների կողքով անտարբեր չէր կարող անցնել ամենայն հայոց բանաստեղծը՝ Հովհաննես Թումանյանը... Նա, որ գլուխ էր խոնարհում այն «լավերի» առաջ, որոնք «կոպեցին ու մեռան» հանուն հույսի, լույսի ու հզոր հայրենիքի, Հայկական բնօրրանում կատարված արյան հեղեղների մասին պատմության տրամադրած հարուստ նյութերը, մասնավորապես Հայկական հարցի պատմությունը և շարունակվող հայկական կոտորածները թույլ էին տալիս Մեծ Եղեռնի նախօրյակին, 1913 թ. տպագրված «Հայկական հարցն ու իր լուծումը» հոդվածում ասելու, որ ռուսական տիրապետությունը փրկարար ազդեցություն ունեցավ Հայաստանի մի մասի՝ անդրկովկասյան հատվածի վրա<sup>2</sup>:

Ռուսաստանի դերի թումանյանական ընկալումը՝ պայմանավորված էր պատմության խորունկ իմացությամբ, այն իրողության դիտակցությամբ, որ հայ-ռուսական բարեկամությունն ամրապնդվել է փոխադարձ վստահությամբ և համատեղ թափված արյամբ: Թումանյանը մոլորություն էր համարում այն մտայնությունը, թե իբր Անգլիան ու Ֆրանսիան եղել են Հայկական հարցի լուծման համակիրներ: Նրա կարծիքով այդ կարգի մոլորության ակունքները անհրաժեշտ է փնտրել «Գյաղստոնի, Դիլոնի, Բերարի, Պրեսանսեի նման լավ մարդկանց» ճառերի մեջ՝ ի պաշտպանություն հայ ժողովրդի, ընդդեմ Թուրքիայի վատթար կառավարության», ճառեր, որոնք իրական օգնության ոչ մի երաշխիք չէին պարունակում, քանզի «իրենց պետությունները... միշտ էլ դեմ են եղել Հայկական հարցին»<sup>3</sup>:

Հիշենք, որ այս տողերը գրվում էին պատերազմի նախօրյակին, բարենորոգումների ներդրման պայքարի շրջանում, բայց մեծ բանաստեղծն արդեն տեսնում էր աշխարհաստան պատերազմի սև ուրվականը և այն դժոխք երկիրը, «ուր դարձյալ կոտորածի սարսափի տակ ալեկոծվում է հայ ժողովուրդը»: Ժիշտ բնութագրելով եվրոպական տերությունների խարդավանքները, քաղաքական քստմենյի սիրախաղերը, Թումանյանը գրում էր, որ ընդդեմ Ռուսաստանի պաշտպանելով Տաճկաստանին, նրանք մեղսակից են «տաճկական գազանություններին և հայկական սարսափներին», պատասխանատու են «հայոց ժողովրդի ծով արյան և մարդկության պատմության առաջ»<sup>4</sup>:

Հայ ազատագրական մտքի լավագույն ավանդույթներին հավատարիմ բանաստեղծը բնավ չէր անտեսում նաև այն նողկալի դերը, որ ազգամիջյան ընդհարումների և ժողովուրդներին առաջադիմական շարժումներից ու գաղափարներից հեռու պահելու գործում կատարում էր պատմության վերընթաց երթից ուղացած ռուսական ցարիզմը: Նա կարողացավ իրեն հատուկ խորաթափանցությամբ երևան հանել ինչպես XIX դարի 90-ական թթ., այնպես էլ 1903—1905 թթ. ցարական կառավարության կողմից իրականացվող ստոր

<sup>2</sup> Տե՛ս Հ ո վ 4. Թ ու մ ա ն յ ա ն. Ը ն տ ի Ր Լ ր Կ Լ ր. Երևան, 1978, էջ 434:

<sup>3</sup> Նույն տեղում, էջ 337:

<sup>4</sup> Նույն տեղում, էջ 442, 337:

խաղերը: Դրա համար էլ Հովհ. Թումանյանը 1917 թ. գրեց «Հսկայի ազատությունը», իսկ 1918 թ.՝ «Բաց նամակ Սերգեյ Գորոդեցկուն» հոդվածները, ուր առաջինում անկեղծորեն ցանկանում էր, որ «Ռուսաստանի ամեն մի քաղաքացի... իր ուժերի ներածին չափ նեցուկ դառնա ռուսական նոր ոտի կանգնած հսկային, որ նա հաստատուն կանգնի», իսկ երկրորդում՝ ցավով հարցնում. «Մի՞թե այս նոր երրորդ Հոռմի փլուզումը ցավալի արձագանք չի գրտնում նրա որդիների սրտերում և մի՞թե... չի առաջանա մի նոր հզոր շարժում Ռուսաստանի վեհության, ազատության և պատվի պաշտպանության համար»<sup>5</sup>, Եվ ցեղասպանության ողբերգությունը լիակատար ապրած բանաստեղծի հայացքը որքան ավելի հեռուն էր միտում, իդեալն առավել էր պատկերանում նրան:

Խորհրդահայ պատմագրությունը իր սկզբնավորման առաջին իսկ շրջանից անցյալի ժառանգության յուրացման գործում ցուցաբերեց ոչ համապարփակ և անկողմնակալ մոտեցում: Կողմնորոշվելով ամենից առաջ և առավել շատ դեպի սոցիալ-տնտեսական խնդիրները, 1920—30-ական թթ. նա իր էջերից իսպառ կամ համարյա արտաքսեղ ազգային-ազատագրական պայքարի հիմնահարցը: Ավելին, վերոհիշյալ երկու տասնամյակներին այդ պատմագրությունը գերազանցապես տարվեց հայ ժողովրդի միայն արևելահայ հատվածի սոցիալ-հասարակական տեղալին և ներուսաստանյան առնչություններով, ավելի կոնկրետ՝ ուսումնասիրության առարկա դարձրեց արևելահայերի ապրելակերպը և առնչությունները:

Դժբախտաբար, սխալ հուն մտավ նաև Լեոյի պատմագիտական մտածողությունը: Մեծ պատմաբանը հավատարիմ չմնաց տակավին 1880-ական թթ. իր իսկ կողմից առաջ քաշած այն նշանաբանին, թե պատմաբանը պետք է ճանաչի ժողովրդի ոգին, նրա կյանքի հոսքը և կեցության կերպը: Խորհրդային ժամանակաշրջանում գրած իր մի շարք գործերում նա չկարողացավ օբյեկտիվորեն արտացոլել հայ ազատագրական պայքարի առանձնահատկությունները: 1920—1930-ական թթ. խորհրդային պատմագրության ավագ սերունդի ղեկավար Մ. Պոկրովսկու գեհզիկ սոցիոլոգիական դպրոցի որոշակի ազդեցության ներքո՝ Լեոյի մտածողության սահմանները, հայ-ռուսական հարաբերությունների քաղաքական հետևանքների և հայ ազատագրական շարժումների արդյունքների արժեքավորման հարցում, մերձեցան սուբյեկտիվ իդեալիստական պատմահայեցողությանը: Երևանի համալսարանում 1920-ական թթ. կարդացած դասախոսություններում, «Անցյալից» (1925 թ.), «Թուրքահայ հեղափոխության գաղափարաբանությունը» (1934 թ.), «Խոջայական կապիտալ» աշխատություններում և մի շարք հոդվածներում, Լեոն սխալմամբ կարծում էր, թե հայ ազատագրական շարժման անցանկալի հետևանքները պետք է որոնել այն բանում, որ ռուսական «խարդախ» քաղաքականությունը ընդառաջում էր հայ կղերական «ստրկամիտ» դիվանագիտությունը:

«Դեռ հյուսիսի գործը չվերջացրած,—գրում է նա,—ռուսական իմպերիալիզմը երեսը դարձնում է դեպի հարավ, որպեսզի դեմ առ դեմ հանդիպի դեպի իրեն եկող կղերական դիվանագիտության: Այս հանդիպումը մի պատահականություն չէր, անցողակի մի երևույթ: Այս հաստատ հիմնավորված սկզբնավորություն էր դարավոր մի անփոփոխության, որ պիտի կլաներ հայ ժողովրդի կյանքն ամբողջովին, մինչև ող վերջանար 1915—1920-ի կատաստրոֆայով»<sup>6</sup>:

Գիտական պատմագրությունը, իհարկե, պետք է մերժի հայ ազատագրական շարժման երախտավորներին «հու հնազանդ», «կույր գործիք», «քարապաշտ» բառերով կնքված լեռնական որակումները, քանզի պաշտպանել նման տեսակետ, կնշանակի անուղղակի ջուր լցնել թուրք պատմագրու-

<sup>5</sup> Նույն տեղում, էջ 487, 490:

<sup>6</sup> Տե՛ս «Փորձ», 1853, № 19, էջ 118:

<sup>7</sup> Լ և ո. Խոջայական կապիտալ. Երևան, 1934, էջ 215:

թյան ջրաղացին: Գտնելով, որ ցարական ռեժիմի պայմաններում «անկարելի էր պատշաճավոր խորությամբ և խստությամբ քննադատորեն վերաբերվել դեպքերին ու գործիչներին» և որ միայն խորհրդային կարգերի ժամանակ է հնարավոր «անաչառ գիտական-քննադատական վերլուծումներին» ենթարկել պատմությունը և այդ ճանապարհով հասնել «խկապես արդարև և ճշմարիտ խոսքին»<sup>8</sup>, լեռն ավելի շատ մեղադրում էր, քան բացատրում, մոռանալով պատմական ճշմարտությունը: Այս առումով մասնավորապես արատավոր է «Թուրքահայ հեղափոխության գաղափարաբանությունը»:

Գոեհիկ սոցիոլոգիզմի և նիհիլիզմի դիրքերից գրված Լեոյի վերոհիշյալ սխալադատ գրքերից թիչ է տարբերվում Բագրատ Բորյանի «Հայաստանը, միջազգային դիվանագիտությունը և ՆՍՀՄ-ը» 1928—1929 թթ. Մոսկվայում լույս տեսած ռուսերեն երկհատոր աշխատությունը: Այսպիսով, փաստորեն մինչև 1950-ական թթ. կեսերը խորհրդահայ պատմական գրականության խորթացել էր հայ ժողովրդի արևմտահայ հատվածի պատմական ճակատագրի համազգային արժարժման հարցը: Նացիոնալիզմի մեջ մեղադրվելը ամենուրեք և ամեն ինչում ինքնին տագնապահարույց վախ ու դող էր ենթադրում:

Տեական պատմաշրջան ընդգրկող անհատի պաշտամունքի ժամանակաշրջանի հայ պատմագիտական և դրականագիտական միտքը, գոեհիկ սոցիոլոգիզմի հետ դաշնակցած «անխնա մերկացում» և «դատապարտում» էր այն ամենը, ինչն առնչվում էր ազգային-ազատագրական պայքարի հարցերի հետ, թեկուզ դա ուղղված լիներ օսմանյան ջարդարարների, սրանց հովանավոր մեծ տերությունների քաղաքականության դեմ: Բանը նույնիսկ հասել էր այնտեղ, որ հայ ազգային-ազատագրական շարժման գաղափարախոսության երկու հսկաների՝ Բաֆֆու և Ռաֆայել Պատկանյանի ժառանգության արժեքավորման հարցում միջնադարյան ինկվիզիցիա հիշեցնող մի վայրենի գրոհ կատարվեց բազմաթիվ պատմաբանների և գրականագետների կողմից: Փամահելով պատմականության սկզբունքը, գոեհիկ սոցիոլոգիզմն ու նիհիլիզմը տեղյակացնող հայ ազդարարները փորձեցին Բաֆֆուն և Պատկանյանին սահմանազատել մեր դեմոկրատական մտքի ընդհանուր երթից և ժողովրդի ազգային-ազատագրական պայքարի մարտակոչող նրանց հայրենասիրությունը նույնացնել հատկապես տիրապետող մեծ ազգերի բուրժուական նացիոնալիզմի հետ:

Շուրջ քառորդդարյա ընդարձակ ամայության մեջ նշմարելի բարձունք էր Մ. Ներսիսյանի «Հայ ժողովրդի ազատագրական պայքարը թուրքական բռնապետության դեմ 1850—1870-ական թվականներին» մենագրությունը: Այդ համարձակ, քաղաքացիական շնչով գրված աշխատությունը, որ որպես դոկտորական դիսերտացիա պաշտպանվեց 1946 թ. և ոչ թիչ արդելքներ հաղթահարելուց, հետո, լույս տեսավ միայն 1955 թ., նոր շունչ ներարկեց հետստալինյան հայ պատմագիտական մտքին և խորհրդածություններին ու մտորումներին նոր լիցք տվեց պատմաբանների միջին ու նոր սերնդին: Պատմաբանը իր այս աշխատության մեջ առատ նյութերի հենքի վրա հանգամանորեն բացահայտեց արևմտահայության թշվառ կացությունը, վեր հանեց նրա մաքառումը և ազատագրական շարժման ընթացքը, բացահայտեց այդ շարժման աղերսները հարևան ժողովուրդների հակասությունական ընդվզումների հետ, ճշգրտեց հայ ազատագրական պայքարի սոցիալ-դասակարգային բովանդակությունը և շարժման առաջատար ուժերի ծրագրային նպատակները, արևմտյան տերությունների հետադիմական, հակահայկական ընթացքը և այլ հարցեր: Ուշագրավ հիմնահարցերով հարուստ այս աշխատության մեջ Մ. Ներսիսյանը կարողացավ իրեն մեկուսացնել գոեհիկ սոցիոլոգիզմի ջատագով «օրթոդոքս առաքյալների» ազդեցությունից, համակողմանի ներկայացրեց արևմտահայ շարժման բնականոն և արդարացված համազգային բնույթը,

<sup>8</sup> Լ և ո. Հայոց պատմություն, նորագույն շրջան, պրակ առաջին. Երևան, 1926, էջ 130:

աղատադրական շարժման գաղափարախոսության ժողովրդա-դեմոկրատական էությունը:

Հայ ազգային-աղատադրական շարժման բազում ելակետային դիրքերի հետ առնչված Ռ. Պատկանյանի, Բաֆու, Գր. Արծրունու, Գ. Արվանձտյանի և այլոց անանց ծառայությունների անզիջում իր բնութագրումներով գիտնականն ինքնին դուրացրեց միտք ապագաղափարականացնող տխրահույս «միասնական հոսանքի» դեմ պայքարի աշխատանքը:

Արևմտահայ ազատադրական շարժման գիտական ուսումնասիրության գործին ոգեկոչող արժեքավոր այս աշխատությունից բացի, ակադեմիկոս Մ. Ներսիսյանը նույն թվականին ՀԳԱ «Տեղեկագրում» տպագրեց միջնակարգ դպրոցների համար պատրաստվող հայ ժողովրդի պատմության ձեռնարկի երկրորդ հատորի՝ «Հայ ժողովրդի պատմություն, 1900—1917 թթ.» բաժինը, որը առաջին անգամ խորհրդահայ դպրոցի աշակերտը պետք է ընդհանուր պատկերացում կազմեր Հայկական հարցի, Առաջին համաշխարհային պատերազմի Կովկասյան ճակատի մարտական գործողություններին հայերի մասնակցության, 1915—1916 թթ. Արևմտյան Հայաստանում և թուրքական կայսրության մյուս շրջաններում հայերի ցեղասպանության և ինքնապաշտպանական կռիվների մասին...

1960-ական թթ. գիտնականը հոգևածներ գրեց Զեյթունի 1862 թ. ապրտամբության, հայկական կոտորածների, հայ աղատագրական պայքարի ժողովրդական հերոս Անդրանիկ Օզանյանի և հարակից այլևայլ հարցերի շուրջ: Մեծ եղիոնի 50-ամյակի սգո արարողությունից (1965 թ.) ընդամենը մեկ տարի հետո, 1966-ին, Մ. Ներսիսյանի առաջաբանով և խմբագրությամբ լույս տեսավ «Հայերի ցեղասպանությունը Օսմանյան կայսրությունում» (ռուսերեն) փաստաթղթերի և նյութերի ծավալուն ժողովածուն, որը համակողմանի ներկայացվում է սուլթան Աբդուլ Համիդի և երիտասարդ թուրքերի կազմակերպած զանգվածային կոտորածների արյունոտ քաղաքականության էությունը: Գերազանցապես արխիվային փաստաթղթեր և կարևոր այլ նյութեր պարունակող այս ժողովածուն ոչ միայն ժամանակին վիթխարի դեր կատարեց ազգային զարթոնքին նպաստելու գործում, այլև այսօր էլ մնալուն, արժեքավոր պատմական տառագրություն է թուրք ցեղասպանների աննախադեպ ոճրագործությունների մասին: Հայ ժողովրդի ազգային-քաղաքական կողմնորոշման, Հայկական հարցի և հայոց ցեղասպանության գիտական լուսաբանման անշեղ ուղեգիծը իր անանց հետքն է թողել նաև տասնամյակներ շարունակ նրա խմբագրած «Պատմա-բանասիրական հանդեսի» հրապարակումների վրա:

Ին թարմ խոսքով և խորունկ մոտեցմամբ 1960-ական թթ. հրապարակ իջավ պատմաբանների մի նոր սերունդ: Հրատարակվեցին ընդգրկուն ժողովածուներ և մենագրություններ: 1962 թ. լույս տեսավ Ե. Սարգսյանի «Օսմանյան կայսրության զավթողական քաղաքականությունը Անդրկովկասում Առաջին համաշխարհային պատերազմի նախօրյակին և պատերազմի տարիներին» (ռուսերեն) մենագրությունը:

Պրոֆեսոր Զոն Կիրակոսյանը, իր ընդարձակ առաջաբանով, Ռ. Սահակյանի հետ, կազմեց և խմբագրեց «Հայաստանը միջազգային դիվանագիտության և սովետական արտաքին քաղաքականության փաստաթղթերում. 1828—1923 թ.» ժողովածուն, որը լույս տեսավ 1972 թ.:

Կյանքի վերջին շուրջ քառորդ դարում Կիրակոսյանը մեկը մյուսի հետեվից հրապարակեց մի շարք մենագրություններ. «Առաջին համաշխարհային պատերազմը և արևմտահայությունը (1914—1916 թթ.)» (Երևան, 1965), «Երիտթուրքերը պատմության դատաստանի առաջ» (առաջին դիրք, 1982, երկրորդ գիրք, 1983), որոնցում նա վերլուծաբար բացահայտեց հայ ժողովրդի նկատմամբ մի շարք պետությունների վարած երկդիմի, ըստ էության հանցավոր քաղաքականությունը:

Հայոց ցեղասպանության վերաբերյալ 1960—1970-ական թթ. լույս տեսան Ե. Սարգսյանի և Լ. Սահակյանի «Հայ ժողովրդի պատմության նենգափոխումը թուրք պատմագրության մեջ» (Երևան, 1963), Ե. Սարգսյանի «Թուրքիան և նրա նվաճողական քաղաքականությունը Անդրկովկասում 1914—1918 թթ.» (Երևան, 1964, նույնը ռուսերեն՝ 1965), Ա. Մնացականյանի «Հայ ժողովրդի ողբերգությունը ռուս և համաշխարհային հասարակական մտքի գնահատմամբ» (Երևան, 1965), Մ. Արզումանյանի «Հայաստան, 1914—1917» (Երևան, 1969), «Նանսենը և Հայաստանը» (Երևան, 1977), «Արհավիրքից վերածնունդ» (Երևան, 1973), Սա. Հակոբյանի «Արևմտյան Հայաստանը իմպերիալիստական պետությունների պլաններում Առաջին համաշխարհային պատերազմի շրջանում» (Երևան, 1967), Ստ. Ստեփանյանի «Հայաստանը իմպերիալիստական Գերմանիայի պլաններում» (Երևան, 1975), Յու. Պետրոսյանի «Երիտթուրքական շարժումը» (Մոսկվա, 1971, ռուսերեն), Հ. Պողոսյանի «Զեյթունի պատմությունը 1409—1921 թթ.» (Երևան, 1969), Ա. Համբարյանի «Երիտթուրքների ազգային և հողային քաղաքականությունը և ազատագրական շարժումներն Արևմտյան Հայաստանում» (Երևան, 1979), «Արևմտահայերի 1915 թ. կոտորածները և ինքնապաշտպանական կոնվենցիան» (Երևան, 1990), Հովհ. Ինճիկյանի «Օսմանյան կայսրության բուրժուազիան», (Երևան, 1977, ռուսերեն), և ուրիշների աշխատությունները։ Արևմտահայության ցեղասպանության հարցը լուսաբանող ուսումնասիրությունների հրատարակման ուղղությամբ բավական հարուստ էին 1980-ական թթ.:

Հիմնահարցը բացահայտելու և այն ընթերցող լայն զանգվածների մատչելի դարձնելու համար անուղանալի տեղ ունեն Ա. Փափազյանի «Առաջաբանով, թարգմանությամբ և ծանոթագրությամբ տպագրված «Հայերի ցեղասպանությունը ըստ թուրքական դատավարության փաստաթղթերի» ժողովածուն» (Երևան, 1988), Մ. Ամիրխանյանի «Ռուսական գեղարվեստական դրականությունը և հայերի ցեղասպանությունը» (Երևան, 1988, ռուսերեն), Հ. Պողոսյանի «Սասունի պատմություն (1750—1918)» (Երևան, 1985), Ռ. Սաֆրաստյանի «Օսմանիզմի ղոկտրինան Օսմանյան կայսրության կյանքում» (Երևան, 1985, ռուսերեն), Հ. Սիմոնյանի «Թուրք ազգային բուրժուաիայի գազափարաբանությունը և քաղաքականությունը» (Երևան, 1986), Շ. Թորոսյանի «Կիրիկիայի հայերի ազգային-ազատագրական շարժումները 1919—1920 թթ.» (Երևան, 1987), Ռ. Սահակյանի «Ցեղասպանության պատմությունից» (Երևան, 1990), Ղ. Հովհաննիսյանի «Սասունը բոցերի մեջ» (Երևան, 1987), Վ. Բայբուրդյանի «Հայ-քրդական հարաբերությունները Օսմանյան կայսրությունում ԺԲ դարում և Ի դարի սկզբին» (Երևան, 1989), Ս. Պողոսյանի «Գոյատևման պայքարի քառուղիներում» (Երևան, 1989), «Քրդերը և Հայկական հարցը» (Երևան, 1991), Մ. Կարապետյանի «Հայոց Մեծ նղեռնը պատմագրության մեջ» (Երևան, 1993), Վ. Սվադլյանի «Մեծ նղեռնը Արևմտահայ բանավոր վկայություններ» (Երևան, 1995), Յու. Դարոնյանի «Սերգեյ Գորոդեցկին և Հայաստանը» (Երևան, 1985, ռուսերեն), Մ. Քոչարի «Հայ-թուրքական հասարակական-քաղաքական հարաբերությունները և Հայկական հարցը XIX դարի սկզբին» (Երևան, 1988, ռուսերեն), Գ. Ղարիբջանյանի «Հայերի ցեղասպանությունը և համաշխարհային հասարակայնությունը» (Երևան, 1989), Ս. Ստեփանյանի, Ն. Բաղդասարյանի կազմած «Գերմանական աղբյուրները հայերի ցեղասպանության մասին» ժողովածուն» (Երևան, 1991), Ա. Զաքարյանի «Ռուս գրողները և հայ իրականությունը XX դարի սկզբին» (Երևան, 1994), Վ. Միքայելյանի կազմած և նրա առաջաբանով հրատարակած «Հայկական հարցը և ցեղասպանությունը Թուրքիայում (1913—1919)» ժողովածուն, որն ընդգրկում է կայզերական Գերմանիայի ԱԳՆ քաղաքական արխիվի նյութերը, Հ. Աբրահամյանի և Տ. Սևան-Նալատյանի կազմած «Ռուսական աղբյուրները 1915—1916 թթ. Օսմանյան կայսրությունում հայերի ցեղասպանության մասին» ժողովածուն» (Երևան, 1995, ռուսերեն),

Յու. Բարսեղովի «Հայերի ցեղասպանությունը հանցագործություն է ընդդեմ մարդկության...» (Երեւան, 1990, ռուսերեն) և այլն:

Վերջին տասնամյակներում տպագրված աշխատություններում գիտական պատմագրության բարձրակետից լուսաբանվում են Թուրքիայի ներքին կացության ամենատարբեր կողմերը, Թուրք ազգային բուրժուազիայի գաղափարախոսության ծագման ու զարգացման ընթացքը, Թուրք զինվորականության գործած ավերածությունների համակողմանի պատմությունը: Այդ աշխատություններում բացահայտված են Թուրքական ազգային բուրժուազիայի գաղափարաբանության հիմնական կոնցեպցիաները՝ օսմանիզմն ու նոր օսմանիզմը, Թուրքիզմն ու պանթուրքիզմը: Հայկական հարցն ու ցեղասպանությունը քննվում են Օսմանյան կայսրության ներքին ու արտաքին կացության և միջազգային դիվանագիտության հանգույցների հետ շաղկապված, հերքվում է Թուրք պատմագրության այն սուտը, թե իբրև հայերը մինչև 1877—1878 թթ. ռուս-թուրքական պատերազմն ապրել են հանգիստ ու խաղաղ կյանքով, Թուրքական կառավարության ու մուսուլման բնակչության կողմից հալածանքների և խտրականության չեն ենթարկվել, որ, իբրև, հայերի անդորրը խանգարել է Ռուսաստանը, որը ձգտելով նվաճել Թուրքական տարածքները, հայերին ոտքի է հանել Թուրքական իշխանությունների դեմ՝ ի վերջո պատճառ դարձել կոտորածներին:

Հայ պատմագրությունը գիտականորեն հերքեց նաև Թուրք կառավարող շրջանների և պատմագրության այն հերյուրանքները, թե իբրև Առաջին աշխարհամարտի հենց սկզբից հայերը պատրաստվում էին Թուրքական բանակի թիկունքում ապստամբել հօգուտ Ռուսաստանի, որի համար երիտթուրքերի կառավարությունը հարկադրված էր նրանց տեղահանել կայսրության խորքերում: Հայ պատմագրության կողմից հիմնավորապես հերքվել են նաև Թուրք պատմաբան-կեղծարարների մյուս թեզերը (հայերն են կոտորել Թուրքերին, որ Թուրքական կառավարությունը արևմտահայերին բռնի գաղթեցման (դեպորտացիայի) է ենթարկել իբրև միայն ինքնապաշտպանական նպատակով և այլն):

Հայ ժողովրդի ազգային-ազատագրական պայքարի պատմության՝ խորհրդահայ հետազոտողների գործերում տեղ գտած անճշտությունների և սխալ տեսակետների սրբագրման անհրաժեշտությունը պարտադրում է նշել, որ 1960-ական և մասամբ էլ 1970-ական թթ., հայ ազգային կուսակցությունների և կամավորական շարժման դերը գնահատելիս որոշ հեղինակներ, ցավոք, չկարողացան ազատագրվել անցյալի մտածողության ծանր բեռից՝ «Անհեռատես», «կարճամիտ» որակումներով շքավարարվելով, նրանցից ոմանք հայկական կուսակցությունների գործելակերպում ահսան նաև «հակաժողովրդական» քաղաքականություն: Քաղաքական, դիվանագիտական և ռազմական տեսանկյուններից գնահատելով կամավորական շարժումը, 1960—70-ական թթ. տպագրված մի շարք աշխատություններում այն դիտվեց որպես «անհեռատես քաղաքականության արդյունք»: Ավելին: Տալով շարժման քաղաքական գնահատականը, որոշ պատմաբաններ շարժումը դիտեցին որպես չկշռադատված, անկազմակերպ մի մարտահրավեր, որն «անխուսափելիորեն միայն վնաս էր հասցնելու հայ ժողովրդին»<sup>10</sup>:

Իսկ ոմանք էլ ստիպված էին անպայման տարբերություն տեսնել կամավորական շարժման քաղաքական կազմակերպիչների և այդ շարժման

<sup>9</sup> Տակավին 1920—30-ական թթ. հայկական կամավորական շարժմանը տրվել է խիստ բացասական գնահատական (Լեո, Արտ. Կարինյան, Բ. Բորյան), այն դիտվել է որպես ՀՀԴ արկածախնդրություններից մեկը: Զօխտելով հայ կամավորական շարժման հայրենասիրական լիցքը, որոշ պատմաբաններ (Զ. Կիրակոսյան, Վ. Պարսամյան, Մ. Արզումանյան և ուրիշներ), տուրք տալով իշխող կարծիքին, շարժումը համարում էին «անհեռատես»:

<sup>10</sup> Բ. Անանյանի կյանք. Դաշնակցության գաղափարական-քաղաքական կրախը. Երևան, 1974, ՏԵՄ նաև՝ Բ. Օհանջանյան. Դաշնակցությունն առանց դիմակի. Երևան, 1980:

տասնյակ ու հարյուրավոր շարքային խիզախ մարտիկների ու զորահրամանատարների միջև: Երևույթն այնպես էր պատկերվում, որ կամավորները մարտի գալու էին մեկնում ազնիվ միտումներով, արևմտահայ իրենց եղբայրներին թուրքական բանտից ազատելու նվիրական առաքելությամբ, իսկ շարժման գաղափարաքաղաքական գործիչները հետամուտ և հակված էին արկածախնդրությունների: Որոշ հեղինակներ էլ այն տեսությունն էին զարգացնում, թե իբրև ռուս-թուրքական նախորդ պատերազմների ժամանակ կամավորական շարժումներն առաջադիմական էին, իսկ իմպերիալիզմի և պրոլետարական հեղափոխությունների դարաշրջանում՝ հետադիմական<sup>11</sup>: Անտեսվում էր այն հանգամանքը, որ ռուսական բանակի առաջխաղացումը, անկախ ցարիզմի հետամտած նպատակներից, օբյեկտիվորեն ազատագրական դեր էր կատարում թուրքական ճիրաններում ազգովին ողջակիզման ենթարկվող արևմտահայության կյանքում:

Գուհհիկ գաղափարականացման թերությունները վերջին տարիներին աստիճանաբար հաղթահարվում էին: Խորհրդահայ պատմագիտության զարգացման միտումը վերջին տասնամյակում հնարավոր էր դարձրել ըստ ամենայնի վեր հանել դարերից եկող հալ ազգային-ազատագրական պայքարի մաքառումները, լուսաբանել Հայկական հարցի ծագման ու նրա գործընթացի էվոլյուցիան, արևմտահայերի զանգվածային ոչնչացման թուրքական պետական քաղաքականությունը, բացահայտել մեծ տերությունների խարդախ քաղաքականության զիջագոյնները Հայկական հարցում և հայոց ցեղասպանության գործում, մերկացնել պատմության կեղծարարներին: Երբեք նաև որ այդ միտումը կշարունակվի նաև ապագայում:

#### ОСВЕЩЕНИЕ ГЕНОЦИДА АРМЯН В АРМЯНСКОЙ СОВЕТСКОЙ ИСТОРИОГРАФИИ

(Краткий обзор)

Н. Б. САРУХАНИЯ

#### Р е з ю м е

В 1920—1940-х гг. армянская советская историография почти не обращалась к изучению проблем национально-освободительного движения, Армянскому вопросу и геноциду армян в Османской империи, занимаясь в основном исследованием социально-экономических проблем. Допускались грубая фальсификация и нигилизм в оценке наследия Раффи и Р. Патканяна — крупнейших идеологов армянского национально-освободительного движения. В 1955 г. вышла в свет монография М. Нерсисяна «Освободительная борьба армянского народа против турецкого деспотизма, 1850—1970 гг.». На основе богатого фактического материала в труде рассмотрены целый ряд вопросов, относящихся к тяжелому положению западных армян, их освободительному движению, его идеологии, социально-классовому содержанию, антиармянской политике султана Абдул Гаида и т. д. В 1960—1980-х гг. по истории геноцида западных армян были опубликованы труды Е. Саркисяна, Дж. Кпракосяна, Р. Савакяна, А. Амбаряна и других авторов.

<sup>11</sup> Տե՛ս Մ. Արզումանյան. Հայաստան, 1914—1917. Երևան, 1969, էջ 183—196: